



Pou Piblikasyon Imedya: 24/06/2022

GOUVÈNÈ KATHY HOCHUL

GOUVÈNÈ HOCHUL ANONSE WEKEND LAPÈCH LIB APATI 25-26 JEN NAN ETA NEW YORK

Yo ankouraje fanmi ak zanmi yo pou yo dekouvri plezi lapèch

Gouvènè Kathy Hochul te anonse jodi a yon Wikenn Lapèch Lib (Free Fishing Weekend) nan Eta New York nan dat 25 ak 26 jen. Evènman sa a make de nan sis Jounen Lapèch Lib (Free Fishing Days) eta a ofri chak ane pou ogmante patisipasyon lapèch ak konsyantizasyon sou opòtinite eksepsyonèl lapèch nan New York epi prezante nouvo pechè yo nan espò lapèch la.

"Jounen lapèch lib yo bay tout Nouyòkè yo yon chans enteresan soti depi Brooklyn rive nan Buffalo, pou eseye fè lapèch pou premye fwa epi ankouraje pechè ki gen eksperyans yo retire pousyè nan kàn pèch yo epi mete kò yo deyò," **Gouvènè Hochul te deklare.** "Opòtinite lapèch atravè Eta New York pa gen parèy, epi mwen ankouraje Nouyòkè yo pou yo ale nan dlo nan wikenn sa a ak zanmi ak fanmi pou jwi youn nan destinasyon lapèch ki renome nan eta nou an."

Komisè Depatman Konsèvasyon Anviwònmantal (Department of Environmental Conservation, DEC) Eta New York la Basil Seggos te deklare, "Pandan ane eskolè a ap fini epi ete a ap apwoche, moman Wikenn Lapèch Lib sa a pa te kapab pi bon. Kit ou ta renmen retounen nan espò a pou tèt ou oswa entwodui zanmi ak fanmi w nan lapèch pou premye fwa, Jounen Lapèch Lib New York yo se yon gwo opòtinite pou voye yon liy epi pou soti deyò."

Pou pechè debitan yo, [Gid pou Debitan pou peche nan dlo dous, I FISH NY](#) la bay enfòmasyon debaz sou lapèch, enkli manevre yon kàn pèch, idantifikasyon priz la, ak konpreyansyon sou règleman lapèch yo. Ou ka jwenn yon vèsyon entè-aktif ak amizan nan gid la ki gen ladann yon seri video kout sou [chèn YouTube DEC](#) la. Pajwèb [Plas pou Peche](#) DEC la se yon sous enfòmasyon fyab pou sila yo ki pare pou planifie pwochen soti lapèch yo.

Jounen Lapèch Gratis ki rete an 2022 yo enkli Jounen Nasyonal Lachas ak Lapèch (24 septanm) ak Jounen Veteran (11 novanm). Pandan jounen yo deziyen kòm Jounen Lapèch Lib sa yo, rezidan New York ak moun ki pa rezidan yo gen otorizasyon peche libe-libè san yo pa gen lisans pou lapèch. Y ap raple moun k ap patisipe nan Jounen

Lapèch Lib yo ke byenke moun pa bezwen lisans pou yo peche pwason pandan jounen lapèch lib yo, tout lòt règleman lapèch yo rete an vigè. Pou plis enfòmasyon sou lapchèch, ale nan <https://www.dec.ny.gov/outdoor/7917.html>.

DEC ofri tou klinik lapèch gratis pandan tout ane a. Anplis pran plezi pandan lapèch la, patisipan yo ka aprann sou idantifikasyon pwason, ekipman ak teknik lapèch, jesyon lapèch, etik lapèch, ekoloji akwatik, ak plis ankò. Pandan klinik sa yo pa gen okenn lisans pou lapèch dlo dous oswa enskripsyon nan rejis lapèch marin pou lwazi a ki obligatwa, men tout lòt règleman lapèch nan tout eta a rete an vigè. Pou yon lis klinik pou lapèch, ale nan: <https://www.dec.ny.gov/outdoor/27123.html>

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418